

DE

HAEMORRHoeA PETE-  
RHIALLI.

DISSERTATIO INAUGURALIS  
(MEDICA,

QUAM  
AUCTORITATE AMPLISSIMI MEDICO-  
RUM ORDINIS


IN  
UNIVERSITATE CAESAREA LITERARUM  
DORPATENSIS,

UT GRADUM  
DOCTORIS MEDICINAE

RITE ASSEQUATUR,  
CONSCRIPT ET LOCO CONSUETO PALAM DEFENDET

A U C T O R

Ulricus Adolphus Glaeßer  
CURONUS.



DORPATI LIVONORUM.

TYPIS J. C. SCHUENMANNI,  
TYPOGRAPHI ACADEMICI.  
MDCCCLXXVI.

IMPRIMATUR

haec dissertatione, ea tamen conditione, ut simulac typis  
fuerit exensis, quinque ejus exempla collegio libris ex-  
plorandis constituto tradantur.

Dorpati Liv. die 24. m. Aug. 1836.

Dr. P. U. WALTER,  
Ord. Med. h. t. Decanus.

FRATRI DILECTISSIMO

Carolo Glaeser

VERBI DIVINI MINISTRO

*PROPTER PERMULTA IN SE COLLATA  
BENEFICIA*

HASCE STUDIORUM PRIMITIAS

GRATO ANIMO OFFERT

D17815

*AUCTOR.*

OMNIA TERRA MATER

ET TERRA VITA MATER

OMNIA VITAM HABENT

ET TERRA VITAM HABET

OMNIA VITAM HABENT

OMNIA VITAM HABENT

OMNIA VITAM HABENT

OMNIA VITAM HABENT

**M**edici antiquiores hujus morbi indolem atque naturam false perspexerant eumque scorbuti quandam speciem esse putabant. Werlhof (1) primus fuit, qui sub nomine „morbi maculosi haemorrhagici“ eum certius meliusque describeret, at tempore demum recentissimo de hujus morbi natura certiores facti sumus. Ut vero de nomine ejus dicamus, variae huic inditae sunt appellations: Duncan „petechianosin“ cum vocat, Sauvage „Stomacacees universalis“ nomine eum denotat. Biott, Cazenave et Schedel (2), Willan (3) et Plumbe (5) purpurae speciem eum habent, eumque „purpuram haemorrhagicam“ appellantes describunt. Adair (6) ei hunc secundus Batemann (7) „haemorrhocam petechialeum“ eum vocant. Swediaur „peliosin“ eum appellat, Schoenlein (8) contra „peliosin Werlhofii;“ Rayer (9) vero „haemacelinosis“ nomen ei dedit.

## Symptomatum recensio.

Prodromi interdum hunc morbum annuntiant, nempe languor, lassitudo post virium intentiones levissimas, et mens et corpus ad labores suscipiendo minus parata, appetitus deest, dolor in capite sentitur, dolores dorsum, regionem sacralem et lumbos permeant et peculiariis quidam sensus in praecordii sentitur. Fit tamen, ut morbus sine ullis prodromis erumpat (10) in primis in corporibus robustis, quae nullus morbus antea vexaverat. Morbi initium petechiarum apparitione annuntiatur, quae maculae sunt variae magnitudinis, lineae unius ad linearum trium extensionis, signis cruentis simillimae, quas pulicum morsus in cute procreare solent, ita tamen, ut in centro punctum fuscum non reperias, qui pulicis morsum indicat. Petechiae colore primum sunt fusco-purpureo, dein fusco-coeruleo, dein colorem fusco-flavum assumunt et denique paullatim evanescunt, nullis squamis, vel alio quodam sui vestigio in cute relictis. Sub cute latent, neque eam superant, primum in extremitatibus inferioribus et iis locis animadveruntur, qui vestibus tegi solent, paullatim ad truncum corporis et extremitates superiores procedunt, faciem tamen et manus non adoruntur, vel minus frequentes has partes afficiunt, quamvis morbi hujus gravioris existent exempla, in quibus petechiae tunicam sclerotican affecterant. Similes maculae in parte interna labiorum, genarum, in lingua, gingiva, velo palatino et in faucibus

animadveruntur. Forma plerumque sunt rotunda, quamquam pars externa interdum dentata et inaequalis est, digito pressae non evanescent, imo potius interdum augmentur magnitudine; non semel prodeunt, sed postquam per tempus aliquod steterant, evanescunt, novaeque in eorum locum surgunt. Aut sciae sunt et singulae, aut densae in corporis partibus animadveruntur, quin interdum in unum coire et adunari reperiuntur. Inter maculas hasce, quas modo descripsimus, maiores reperiuntur formae variae, vel rotundae pollicis diametro gaudentes, vel longae et protractae, quae vibices dicuntur. Nulla symptomata, ex quibus cutis morbosum quandam statum suspicari possit, earum præcurrent solent apparitionem. Quae maculae saepe ex violenta cutis affectione oriuntur, quia pulsum arteriarum tetigisse interdum, ut provocarentur, sufficiebat (12). Cito post, aut una cum iis, aut, quod raro fit (13) jam ante petechiarum etiuponem sanguis sponte exit, quo morbus hicce in primis ab aliis secernitur, et quidem plerumque ex naso et ore. Locos, ex quibus sanguis emittitur, si diligentius perscrutaris, maculas reperies fusco-nigras, quae excoriatae videntur, vel tectae cortice, quem sanguis coagulatus efficit, e quibus sanguis veluti ex spongia stillat, saepeque gingiva animadveritur prorsus emollita. Sanguis vero interdum ex ventriculo, pulmonibus, trachea, organis urinam ducentibus et parantibus prodit, vel cum alvo emittitur, mulierum saepe ex vagina et utero profluit, et in gravidis abortum efficit. Sanguinis emissi quantitas est varia,

interdum modo stillat, saepe tamen majori copia profluit, quin tam vehemens fit, ut vita extinguitur. Qui tamen casus rariores sunt, nam plerumque post tempus aliquod profluvium sanguinis sponte sedatur. Quae haemorrhœa post temporis quoddam spatium redire solet, saepe post causas, quae activitatem systematis vasorum augent, nempe post fervorem, nimium laborem, saepe si animus nimis afficitur, utpote ira, timore (14). Saepe vero sine ulla causa prodit, quidquid interdum typum observat periodicum (15). Sanguinis quoque qualitas diversissima est, saepe indole est corrupta, dissoluta, pici decoctae simillimus, vel liquori sordido, non coagulatur, saepe contra aquosus vel magis serosus est, interdum vero similis est sanguini, qui in morbis mere inflammatorioris ex venis elicetur, coagulatur, quin crustam præse fert inflammatoriam. In gravioribus morbi gradibus ex cutis tegmentis desudat, epidermis interdum in locis, ubi tenerima est, a sanguine affluente ad formam vesicæ extollitur, quae saepe finditur et gravis haemorrhœae causam praebet (16).

Valetudo, in universum si spectatur, hoc in morbo maxime differt, aegri interdum non nisi de languore quodam conqueruntur et negotiis suis assutis incumbere possunt. Plerumque tamen molestiae animadveruntur, aegri capit is dolorem, cibi appetitum deficiente conqueruntur, interdum tussis vehemens et alia symptomata catarrhalia animadvertuntur, vel gastrica morbus comitantur, regio epigastrica turgere incipit, aegri sapore ingrato, angore,

vomiti vexantur, vel in aliis morbi casibus regio hypochondriaca dextra turget, aegrotus de sensatione dolorosa conqueritur, si hepatic premitur, una quoque symptomata animadvertere licet icterica. Haud minus raro symptomata animadvertere possunt, quae splenitidem annuntiare videntur (17), nempe dolor, si regio hypochondriaca sinistra premitur, hujus regionis turgor et caet. Alvis modo deest, modo liquida et cruenta profluit, urinae secretio imminuta et in qualitate sua mutata, jumentosa, colore purpureo est et cito dissolvitur, gazum ammoniacum abunde procreans (18). Transpiratio cutis plerumque suppressa, cutis saepe, si manus admoveat, frigida reperitur, pedes imprimis frigescere videntur, interdum tamen cutis secretio aucta est. Febris plerumque nulla animadvertisit, quam ob causam Richter hujus morbi indolem in febre deficiente (18) inveniri ratur. Pulsus arteriarum lenti esse solet, quamvis id non semper animadvertisatur, cum causas reperiantur febri conjuncti, quae variam indolem præse fert, interdum quoque charactera exhibet omnino inflammatorium et ad verperum augetur acriorque fit, interdum indolem adynamicam assumit, quod ea ex causa facile hic fieri posse videri licet, quod causae satis multae occurunt, quae vires exhaustant. At vero si morbus ab initio saepe sine ulla febre incipiat, tamen si morbus diuturnior est, et haemorrhagiae frequentes eum comitantur fieri non potest, quin febris exortiatur, quae hec tam indolem exhibeat. — Aegri animus demissus plerumque ei quasi sollicitudinibus vexatus.

Willan (19), qui hunc morbum exanthematis et quidem purpurae adnumeral, quatuor hujus statuit species:

I. Purpuram simplicem, quae sola petechiarum, quas supra descriptissimus, apparitione insignis est, nec ulla conditione aegra distinguitur, nisi lassitudine quadam.

II. Idam speciem morbus modo descriptus efficit, eumque Purpuram haemorrhagicam vocat.

III. Iam sumit Purpuram urticantem; epidermis hic tollitur, ita ut parvae elevationes purpureae, iis similes, quas in urticaria vides, exoriantur, hae paullatim surgunt, sed post diem unum aut dies plures decrescant, colore mutant, fiantque fusco-rubrae et paullatim evanescent. In extremitibus inferioribus inprimis animadvertuntur, et cum petriculis conjunctae sunt. Ceterum non majorem in cute parant molestiam, quam petechiae vulgares.

IV. Tam denique speciem eam conteundit esse, quam Purp. contagiosam vocat, quod nomen iis petechiis dat, quae in febribus malignis et putridis animadvertuntur.

Tres species priores minus inter se sese differre sed potius varii ejudem status morbos gradus esse videntur, species quarta vero co-differt, quod non necessario ad morbi indolem pertinet, sed potius febribus adynamicis maxime variis accedere potest, tunc autem signum est malae notae, cum tonum maxime demissum systematis vasorum et sanguinis dissolutionem indicet, quod ut species tres priores efficiantur, non semper requiritur.

Schönlein (20) duas haemorrhoeas petechialis varietates statuit, quarum prior a febre incipiat paullulum frigoris exhibente, quod fervor, rubor generum circumscriptus, sitis et alia sequantur, quae ad vesperum exacerbetur et febri hecticae similis fiat. Varietatem alteram insignem esse contendit symptomatis, quae splenitidem comitari soleant, utpote turgore regionis hypochondriacae sinistram, dolore, qui in ea sentiatur, colore cutis quodam peculiari, dolore capitis surdo, vertigine aliisque. Quae tamen divisio mendo laborem mihi videtur, eo quod non cuivis casui aptari possit; morbum enim, quem dicimus, saepe sine febre incipere videntur, vel si haec adest, saepe charactera habet synochae, minime autem semper febris hecticae, praeterea affectiones hepatis non minus saepe, quam affectiones lienis animadvertisimus, vel in aliis casibus symptomata secretiorum turbatarum organorum abdominalium.

### Morbi duratio et exitus.

Morbus varie durat, saepe XIV. dierum spatio absolvitur, sed plerumque ad longiore durationem inclinare reperitur, et per menses non solum, quin per annos integros protrahitur. Sanatione morbum terminante, petechiae paullatim resorbentur, novae non amplius produnt, haemorrhagiae rarius rariusque redeunt, earumque quantitas minuitur, reliquae molestiae evanescent et appetitus paullatim reddit, diu tenet, ubi morbus gravior fuit, vires priores ut

prorsus redeant, expectari debet. At vero non semper morbum ad exitum felicem ducere contingit, cum saepe vel morte finali, vel in morbos secundarios exeat. Mors variis modis provocatur, nempe vel nimia sanguinis amissione, cuius rei exempla nonnulla Bateman affert (21). Symptomata gravissima tunc animadvertisuntur, corpus totum nimio pallore aspicitur, extremitates primum frigescunt, tunc nasus, frons et paullatim reliquum corpus, quod sudore frigido obtegitur; pulsus arteriarum immittitur et lents procedit, intermissis micat ictibus et deinde, prorsus non animadvertisit, respiratio laboriosa est, aeger angorum maximum conqueritur, acies oculorum quasi velo obtegitur, aures tinniunt, sensus deficiunt, vertigo et syncope animadvertisuntur, quae cuncta mors, aegrum inter spasmos et convulsiones e vita tollens, insequitur, qui tamen miseri exitus rariores sunt. Vel sanguis tanta cum vi ex naso atque ore prorumpit, ut nimia respiracionis interruptio exoriatur, et sanguis per conatus aegri, ut spiritum ducat, in vias respiratorias perveniat, aegerque miserae suffocationis morti succumbat. Vel sanguis non libere e corpore emititur, sed cursu infelici organa gravioris momenti interna petit, utope cerebrum, pulmones et alia, vitamque apoplexia cruenta amittit aeger. In aliis casibus sanguinis emissio non tanta est, ut statim vita periculum mininet, imo potius sanguinis deiractiones singulæ facile tolerari posse videantur, frequenti vero reditu suo sanitatem spurius et certius suppressum, tonus vasorum magis magisque imminentur, incitabilitas systematis

vasorum magis magisque augetur, sanguinis mitis magis magisque viniatur et organismo nutriendo impar fit, functiones omnes vitoise propendunt, sanguis partes solidas non amplius alii, sed potius serum secernit aquosum, nutriendo impar, quam ob cansam intumescentiae hydropticæ animadvertisuntur, primum circa malleolos, quae paullatim altius procedunt, dein in cavae corporis humani transeunt; paullo post febris hectica animadvertisit, atque sudores et diarrhoeæ colliquativæ, et aëgrotus signa debilitatis maximæ ostendens hydropi succumbit. Interdum tamen non omnis sanguis emititur, sed pars quaedam in organis internis colliguntur et nisi resorbentur, quasi corpus alienum vim snam exserit, inflammations chronicas procreat ejusque exitus perniciosos, et saepe vitam finit niger, philiseos ostentans symptomata.

### Cadaverum sectio.

Cadavera eorum, quos haemorrhœa petechialis consumsit, sanguine nimis vacua, telae omnes pallent, venæ exsangues, in membrana mucosa organorum fere omnium internorum ecchymoses reperiuntur, iis similes, quae sub cutane inveniuntur, quin sub membranis serosis, sub pleura, pericardio, peritoneo et arachnoidea (22) observatae sunt. Quod organa singula attinet, neque in his constantia eademve signa morbi observantur, multa eorum effectus potius sunt, quam causa morbi. Inveniuntur enim extravasa sanguinis inter tunicas cerebri, sanguinis

accumulationes in parenchymate pulmonum (23), in hepate, liene, renibus (24) et intra musculos. Saepe tamen status abnormes organorum internorum apparent scrutanti, quos morbi causam si dixeris non erraveris, de quibus infra plura fusius disputabo. His abnormitatibus eas adnumera, quae in liene animadveruntur, Bateman ex. gr. narrat (25) se lienem reperisse, qui ad os ilei dependeret; in aliis casibus certa signa lienis inflammati animadvertebantur, quam rem symptomata quaedam jam vivo aegroto indicaverant (26). Morbosas mutationes similes hepar sacpissime exhibet (27), ita ut inflammatio chronic a affecta, ejus magnitudo sit aucta vel substantia indurata. In pulmonibus tubercula saepē, aut hepatitis, aut vomicae et abscessus, glandularum Vesalii depravatio, quae modo emollitiae, modo auctae sunt et durae, reperiuntur (28). Interdum vitia organica cordis et vasorum magnorum et aneurysmata observantur (29). Cadavera facilmente putrescere dicuntur.

### Aetiologya.

Hujus morbi causa, quamvis multa et optimæ de eo existent scripta, nos adhuc latet. Id tamen ex descriptione morbi, quam supra exhibuimus, colligere licet, eum pathema esse systematis vasorum. Quam ob causam huic morbo majori cum jure locus assignandus erit inter haemorrhagias, quam inter morbos cutis, quod scriptores nonnulli voluerunt, nulla enim

symptomata invenies, e quibus cutem morbose affectare esse colligere posses. Estque haec causa, cur nomen, quod Adair et Bateman ei dederunt, „haemorrhœa petechialis“ ceteris praferendum videatur, cum symptomata maximi momenti cuncta in se contineat; additamentum enim petechialis certius quam verbum maculosus indelem harum macularum denotat, purpuræ vero nomen a diversis auctoribus morborum formis diversissimis tribuitur. Ab aliis haemorrhagiis, exceptis scorbuticis, atque iis, quae in febribus putridis occurrunt, haemorrhœa petechialis ex mea quidem sententia genero suo non differt, sed eo tantum, quod sanguis majori cum extensione ex systemate vasorum capillarium prodeat, neque omnis sanguis libere emitatur, sed pars ejus quaedam in cute remaneat. Causa proxima in eo nisi sit, quod sanguis ex ultimis vasorum finibus, ubi magna impedimenta non obstant, ut imprimis iis in locis, qui epidermide tecti sunt tenui, libere erumpit. Ubi vero impedimentum hocce majus est, quam quod vinci possit, non solum in tela cellulosa sub cute, sed etiam in reti mucoso Malpighii colligitur, quod in priori casu petechias, in altero vesiculos sanguine repletas procreat.

Ea quaestio adhuc dijudicanda est, num sanguis, qui emititur, arteriarum sit vel venarum. Kreysig (30) qui hujus morbi causam in systemate venoso, et quidem in pathemate venae portae inveniri ratur, hanc haemorrhagiam venosam esse putat, eam ob causam, quod symptomata cuncta, quae arteriarum pathema

comitari solent, desint, imo potius permulia reperiantur, quae affectionem systematis venarum indicent. Quae posterior causa, quamvis in omni casu negari non possit, tamen casus observantur, qui contra argumentum prius pugnani, in quibus origo sanguinis ex arteriis satis perspicue animadveritur per symptomata inflammatoria, quae hoc in morbo saepius observantur, in hominibus, quorum sistema venae portae stagnationem non patiatur. Color fuscior sanguinis, coagulandi facultas immunita, quae Kreysig praeterea, ut sententiam suam tueatur, afferit, hac in re nil probant, quum non solum saepe prorsus desint (51) et color fuscior atque coagulandi facultas immunita sanguinis conditionem decompositam indicent, quam saepe hoc in morbo inveniri jam supra monstravimus. Quam ob causam verisimilius mihi videtur, fonitem hujus haemorrhoeae fines ultimos arteriarum statuere, qui non amplius tunicis vasorum circumdantur propriis, sed spissiore et deusiore tela cellulosa. Jam ratio circulationis sanguinis hoc confirmare videtur, quum non bene intelligatur, cur sanguis in venis, quamvis multis in casibus intercepitus refluxus ad cor per venas causam efficiat haemorrhagias, motum retrorsum assumat, cui sanguis ex arteriis affluens et valvulae in venis extremitatum obstant. Accedit adhuc, quod in stain normali omnes fere secretiones ex systemate arteriarum prodeunt. Ruptura venarum, qua earum sanguis immediate emittatur, in rarioribus tantum casibus observabitur, quum satis notum sit, venas multo magis extendi posse, quam arterias, cujus rei va-

rices documentum certissimum sunt. Atque haemorrhoea tum non parvulas istas petriculas, sed majora efficeret extrayasata.

Majoris momenti atque difficilior dijudicatu illa est quaestio de causa, quae efficiat, ut sanguis prodeat. Ex iis, quae supra disputavimus, causam nullatenus in omnibus casibus eandem imo potius maxime variam esse, clarum est. Videmus enim hunc morbum saepe in statibus maxime variis exorti, animadverimus nempe in aliis casibus symptomata, quae vim systematis vasorum depressam, in aliis contra, quae illam auctam esse indicant. Non solum corpora tenera et debilia, homines, qui diaeta utantur tenui et quae non multum nutriat, eos, qui rebus ad victimum maxime necessariis egeant, in domiciliis humidis et in carceribus et nosocomiis publicis male constitutis vivant, vel in aere multorum hominum confluxu maxime depravato, sed etiam homines robustos asici videmus, qui cibum sumant fortem, bene nutrientem et sistema vasorum excitantem atque prosperrima gaudeant vitae condizione. Quapropter maxime miror, omnes scriptores antiquiores, quidquod nonnullos recentiorum indolem morbi in debilitate quaerere, quamvis tot morborum relationes et usus remediorum antiphlogisticorum, et evacuantium hoc in morbo tam saepe necessarius contrarium docet. Itaque etiam Hufeland (52) maxime errat, qui debilitatem systematis vasorum semper ejus esse, causam statuit. Richter (53) contra debilitatem peculiarem et mutationem organicam cutis statuit, qua sanguis

in ea morbose mutetur. Sed relationes morborum a medicis celeberrimiis nobis factae causam nobis non praebent, ejusmodi debilitatem cutis semper statuendi, neque hac, eti eam concesseris, sanguinis effluxus ex vasis explicatur. Non minus errare videtur Acrel (34), qui morbi indolem in debilitate arteriarum minimarum ponit, ita ut sanguinem in venas mittere non possint, qua in re errat sumens, sanguinem in venas miti vi systematis vasorum capillarium. Vogel (35) atoniam cutis causam esse putat, quae cum sanguinis quadam decompositio conjuncta, tamen alia sit, ac ea, quae in febribus putridis et in scorbuto animadvertisatur. Quamquam vero saepius ita se habeat, ut conditio sanguinis decomposita occurrat, tamen ob causas supradictas ejus sententiam rectam non praedicaverim, neque ex ea explicatur, quomodo sanguis hominum, qui optima antea grayisi erant valetudine, repente hanc perversam indolem assumserit. Nec minus errare videtur Haase (36) qui statum paralyticum finium vasorum statuit, inde a quibus paralysis altius ad medium systema vasorum procedat. Gansbruch (37) hunc morbum modificationem scorbuti putat, qui tamen maxime ab eo differt, quod dein monstrabo. Et Struve (38), quo teste hicce morbus homines in primis potui deditos afficit, non videtur a sententia alienus esse, ipsum atque scorbutum non nisi modificationem esse ejusdem morbi, nam „dafs“, inquit, „die „Werlhofsche Krankheit und der Scorbust sehr „nah verwandte Krankheitszustände sind, möch-

te wohl keinem Zweifel unterliegen, ich wenigstens halte sie bis jetzt nur für Varietäten „eines Uebels, wovon die eine, der Scorbust, „mehr dem Seemann und der Seeküste, die andre aber, durch anhaltendere und weniger bekannte Schädlichkeiten erzeugt, mehr dem festen Lande angehört.“ Atamen alio loco contendit, haemorrhoeam petechiale eo praeципue a scorbuto dignosci, quod conjuncta sit cum stagnatione sanguinis in venis abdominis, eoque, quod hepar non apie ad leges organis- mi fungatur.

Sundelin (39) quoque causam in relaxatione vasorum capillarium quaerit, quae vel ab atonia primaria et relaxatione vasorum ipsorum, vel a perversa mistione sanguinis pendaat, quae posterior qualitate sanguinis partim magis venosa, parim séptica procreetur. Optime Pet. Frank (40) igitur judicat, si „Nec opus est,“ inquit, „ad putridam sanguinis dissolutionem in his (petechiis) applicandis recurrere, quae vel „solo interdum emeticum, aut purgante alvum „remedio dissipantur in horas aut in multis si- „ne febris aut morbi vestigio in cute prorum- „punt. Frequenter sat in morbis inflammato- „riis petechias ac emissum compactum ac denso „corio obiectum conspécimus sanguinem.“ Duncan quintuplicem hujus morbi causam statuit, primam sanguinis tenuitatem auctam, secundam dilatationem stomatum arteriarum, tertiam nimirum teneritatem vasorum parvorum, quae ea sanguini affluentis resistere imparia faciat, quar-

iam affluxum sanguinis iam aductum, ut vasa optime constituta sanguini resistere nequeant, quintam circulationem impeditam, qua fui, ut vasa rumpantur.

Si vero relationes morborum, quas medici celeberrimi nobis reliquerunt, et morbi symptoma intacmur, et que cadaverum sectiones diligentissimae nos docent, reputamus, mihi non absonum videtur in curione morbi duplicum ejus statuere naturam, ita ut haemorrhœam statuamus vel idiopathicam, vel symptomaticam. Multis enim in casibus in organis remotis nil invenimus, quod nexus causalem cum morbo nostro indicet, sed symptomata, quae pathema systematis vasorum indicant, ita ut hoc in casu pathema idiopathicum systematis vasorum, et quod inde sequitur, haemorrhœam petechiale idiopathicam statuere debeamus. In aliis casibus contra eorum organorum depravationes inveniuntur, quae magni momenti sunt non solum in circuitum sanguinis, sed etiam in ejus motionem, ut in corde, in pulmonibus, hepate, liene, aliisque, et quidem tam saepe eas reperimus, ut dubitare nequeamus, quia causam morbi efficiant. Morbum porro exoriri videamus post excretiones suetas, si opprimuntur, post exanthemata vel ulceræ suppressa, ubi functiones gastricae turbatae sunt, apud homines, qui haemorrhoidibus laborabant, in mulieribus, quarum menstrua legitime non procedunt, in utero gestantibus et puerperis, vel, ut breve dicam, in iis tantum

casibus, in quibus circuitus atque mistio sanguinis mutatur, et systema vasorum secundarie affectum est, quos casus lubentissime haemorrhœae petechialis symptomaticæ nomine denotarem.

Quod primum pathema idiopathicæ systematis vasorum attinet, causa esse potest ejus energia aducta, quem casum haemorrhœam petechiale acutam vel inflammatoriam vocare possumus. Eiusmodi haemorrhœam petechiale statuere nos jubet repentina apparitio morbi apud viros robustos, in aetatis flore, qui alii morbis antea non laborabant, et qui eam degredi vitam, quae ortu aliorum morborum inflammatoriorum faverit. Symptomata hoc in casu animadverteremus, quae cuncta vim systematis vasorum auctam indicant, nempe pulsus arteriarum inveniensus fortè et plenus, quin acceleratum, calorem, sitim, morbus a synoche facile incipiet, sanguis in maiore quantitate erumpet, coagulabitur, quin crustam inflammatoriam monstrabit, color laetior in petechiis animadverteatur; longiore tamen morbi duratione tonus vasorum minuetur et haemorrhagia ab initio activa indolem assumet passivam. Haemorrh. petech. inflammatoria explicari potest, ita ut non in quovis casu ad veram rupturam vasorum parvorum, quae sanguini affluentis resistere non possint, confugiamus, sed potius ex mutata indole vitali systematis vasorum (42), quod nunc sanguinem emittat, cum contra in statu normali materias secerat, quae sustenta-

tioni organismi inserviunt. Et in aliis quoque morbis inflammatoriis satis saepe extravasata cruenta teperimus.

Pathema vasorum porro niti potest erethismo, et character hicce vel ex statu inflammatorio praecedente, vel ab initio animadvertisit. Qui erethismus duplex esse potest, vel procreat causis, quae in sistema nervorum vitae animalis vim suam exserunt, quarumque effectus consensualiter vasorum nervos afficiunt, vel pendet ab aucta receptivitate nervorum vegetatiōi vasorum inservientium, et demissa energia fibrarum vasorum irritabilium ipsarum. Priorē casum erethismū sensibile dico, qui in primis post animi motus animadvertisit et agnoscitur sanguinis effluxu magis periodico, arteriarum pulsu inaequali, symptomatibus spasmodicis. In casu altero, quem erethismū irritabilem dico, haemorrhœa magis perdurat, arteriae in motu citiori constantius perseverant, quamvis molliter et parvis ictibus pulsent. Sanguis ex vasis duplice prodit via, primum, quia vi reagendi systematis vasorum depresso, sanguis tantum in receptivitatem auctam majus irritamentum efficit, quam in statu normali; porro mutata systematis vasorum vitalitate, qua fit, ut mutantur secretiones, quae hic nimis cito, nec satis praeparatae secernuntur.

Tertium denique pathema systematis vasorum in paralyssi niti potest, quae itidem ut erethismus duplicitis est naturae, et partim a vi-

systematis nervorum in sistema vasorum sere extincta, partim a relaxatione fibrarum vasorum ipsarum pendere potest. In casu priori pulsus debilem, parvum, interrupsum et omnino irregularē, frigus extremitatum et inclinationē ad syncopen animadvertisit. In casu altero pulsus minus fortis et indeoles magis dissoluta sanguinis observatur. Sanguis ex finibus vasorum relaxatis procedit.

Transeundum jam nobis est ad haemorrhœam petechiam symptomaticam, quae in universum saepius fortasse occurrit, quam idiopathica; et hic distinguendum est inter haemorrhœam petechiam, quae a vitiis aut organicis, aut dynamicis pendet organorum aut systematum aliorum. Quae vitia quadruplicē morbum procreare queunt ratione: primum sanguinis refluxu per arterias aucto, dein sanguinis refluxu intercepto ad cor per venas, postremo nimia vasorum repletione, cum materiae, quae secerni debuissent, retineantur, ac denique sanguinis mistione depravata, cum organa primarie affecta sint, quae assimilacioni et sanguificationi praeasant, vel saltem magnam in eam exserant vim.

Ex aliorum organorum vitis primum illa memoranda sunt, quae hepatitis afficiunt, quippe quae saepissimae morbi cause sint. Ut vero haemorrhœam petechiam explicemus, quae pendaat ab affectionibus hepatis, ante oculos ponamus necesse est structuram anatomicam nec

non momentum physiologicum hepatis. Vasa venosa cuncta, quae sanguinem a ventriculo, tractu intestinali et liene ad cor reducunt, in unum conjunguntur truncum, nempe venam portae, quae iterum in ramos tenuissimos partitur in hepatem ipso, dein sanguinem suum in venam hepaticam emittit, unde denique per venam cayam inferiorem sursum in ventriculum cordis dextrum reducitur. Ut de natura physiologica hepatis dicamus, bili secerndae inservit, qua functione, cum materias e sanguine amoveat et seernat, quae organismi functionibus non amplius inserviunt, et sauginem a carbonio liberet, tamen eti ad id non respicias, quod digestioni maxime inserviat, hepar organum esse dico, quod corpori a superfluis liberando inserviat. Ex quo facile patet, quanti momenti hepar non solum in sanguinis circulationem, sed etiam in ejus normalem motionem sit, quapropter fieri non potest, quin ubi hepar inflammatum sit, vel induratum, vel ad nimiam evehatur magnitudinem, circuitus sanguinis maxime turbetur. Sanguinis venosi enim non solum refluxus per hepar ipsum, sed etiam in vena cava inferiori compressa intercipitur. Hepar dein si crescit cum diaphragma sursum tollat, pulmonum extensionem liberam impedit, ita ut si arteriae eandem semper quantitatem ducunt, sanguis facile limites suos relinquere possit. Ex eadem causa in hepatis haemorrhoeas ex nare dextro procedentes videmus. Praeterea in his hepatis affectionibus gravis ejus functionis interruptio hic examinanda est, qua-

in universum materiae excretioni destinatae retinetur et tractui intestinali secretum, quod ad digestionem et quod inde sequitur ad sanguinem recte constitutum maxime est necessarium, vel prorsus auferitur, vel saltem in pejus mutatur.

Aliud organum, quod in haemorrhoeam petechiam procreandam magnum exercit momentum, lien est, quam rem non solum symptomata splenitidis (44), quae in vivo aegroto saepe animadveruntur, sed cadaverum sectiones quoque demonstrant (45). Lieu ex organis est, quae sanguine maxime repleta sunt, qui si sanguinis arteriarum influxui in lienem quid obstat, majori cum vi ad alia sese convertat necesse est organa, et facile, si vasa affluxui aucto resistere nequeunt, ex iis prorumpere potest. Praeterea hic, ut in hepatis nimia magnitudine, pulmo sinister comprimitur et circulatio nec non oxydatio atque decarbonisatio sanguinis intercipitur. Lienis functio impedita denique hic omittenda non est, sed quum certi quid de lienis functione hucusque compertum non habeamus, de turbata quoque nil certi contendere possumus. Sin autem recte se habet, quod maxima physiologorum pars contendit, lienem bili praeparandae potius inservire (46) quod arctior vasorum cum hepate conjunctio, magna sanguinis copia, quae nequaquam solo lieni alegendi destinata esse potest, mutata sanguinis in liene conditio, et bilis perspicue mutata in lienis morbis demonstrant, facile explicatur, quomodo lienis affectiones in haemorrhoeam petechiam gignendam vim exercere queant.

Similiter ac hepatis lienisque conditio morbosam vitia organica pulmonum, quae efficiunt, ut minus bene functionibus suis praesint, haemorrhoeae petechiali procreandae favere videntur, cum pulmones prae ceteris organis, ut normalis sanguinis status procreetur, efficiant. Sed non solum impedita oxydatio et decarbonisatio sanguinis hic respicienda, sed quoque sanguinis in pulmonibus circuitus horum conditione imperavia impeditur, quae accumulationes et extravasata sanguinis in aliis partibus procreare valeret. Quam sententiam observatio tueretur a Rayero facta, in qua aeger succubuit et cadaveris sectio partum hepatisationum, partim vomicas in pulmonibus ostendebat (47).

Haemorrhoea petechialis saepe a morbosa cordis conditione pendere videtur, cujus causa hypertrophia cordis et imprimis atrii sinistri esse potest, ubi leves jam labores suscepit cor ad nimiam excitant activitatēm, ita ut sanguis cum vi per arterias agatur, cui vasa resistere nequeant. In aliis casibus vitia valvularum et ostiorum et quae inde oriuntur circulatio turbata morbi causam efficere possunt.—In aegro quodam, Batemano commisso, morbus ex glandulae thyymi affectione ortum cepisse videbatur (48).

Symptomatice haemorrhoea petechialis dein interdum apparet in graviditate et post menstruata turbata, imprimis suppressa (49). Nexus hujus rei causalem facile intelligemus, si structuram et quem ad finem vivat mulier

reputamus. Organismus muliebris a virili reproductione praedominante et sanguinis copia hanc ob causam aucta differt, quae non solum ad conservandam seminam ipsam, sed quoque ad novum excolendum hominem destinata est. Qui finis posterior si nouo attingitur, major illa sanguinis copia menstruatione regulariter redente minuitur; si vero gravida sit mulier, magnae in ea provocantur mutationes; onnes secretiones et excretiones immixtae, menstrua, quae sanguinem redundantem amovebant, non redeunt, quia hic ad foetum excolendum requiritur, initio vero graviditatis non omnis sanguis superflius huic rei impenditur, unde major exoritur copia sanguinis. Non vero solam sanguinis quantitatem auctam, quae graviditate procedente diminuitur, sed etiam sanguinis mutantam respiciamus necesse est constitutionem, quae prope accedens constitutioni sanguinis in morbis inflammatoriis obviae principio plastico abundat; quod satis superque eluet e crusta inflamatoria, quae gravidarum sanguinem e venis emissum legit et denuo innuit, mulierem ad excolendum foetum natam esse. Dein uteri magnitudine aucta circulatio in abdomine et, diaphragmate sursum lato, in cavo thoracis impeditur. Quapropter in graviditate causas satis multas reperimus, quae, ubi systema vasorum aliquantum excitavit sit vel debilitatum, morbum provocare valent. Ex iis, quae modo monimus, re ipsa intelligitur, quatenus menstruum suppressio causa fieri possit haemorrhoeae petechialis. Idem quoque de fluxu haemor-

rho idali suppresso valet, sanguinis fluxu critico, quo natura plethoram abdominalem pro tempore tollere studet.

Haemorrhagia petechialis denique symptomatico procreari potest morbis omnium eorum organorum, quae ad assimilationem et sanguificationem una agunt, quo numeros velim vitia organica atque dynamica ventriculi, tractus intestinalium, vasorum lymphaticorum, secretiones turbatas gastricas etc, nam uti earum suppressione sistema vasorum materiais nimis repletur, quae secerni debnissent et inde circulatio impeditur, eadem ratione organorum gastricorum functio vitiosa sanguinis mistioni nocere debet. Quapropter sapissime animadvertere licet, symptomata hunc morbum praecedere atque prosequi, quae functiones gastricas turbatas indicant (50).

Denique quaestio dijudicanda videtur, num haemorrhoeae petechiali vis adscribi possit critica. Quod Wichmann (51) prorsus negat, eique assentendum esse censeo, si hunc morbum ea notione, qua medici antiquiores sumimus, eumque non nisi debilitate procreari remur, cum illa sanguinis amissionem necessario augeri debeat. Quod si vero ejus notionem latius patere statuimus, uti fas esse puto, non possumus, quin morbo huicce in casibus singulis vim criticam tribuamus, cum naturae vis medicatrix eo sanguinis adauctiones in partibus singulis et nimiam tollere studeat systematis va-

sorum repletionem. Attamen negari nequit, haemorrhoeam dein vim criticam amittere posse, si diuturnior vel nimis vehemens sit.

Ad hunc morbum praedispositionem in primis in hominibus invenimus, quorum systema vasorum facile irritatur, fibra laxa et debilis, cuius tenera est, quorum habitus illi similis, quem in phthisi florida animadvertisimus, in hominibus cachecticis, qui malo fruuntur victu; quamvis viri robusti et plethorici interdum ad hunc morbum inclinent. Mulieres praecipue et juniores brevi ante et post pubertatem aggreditur, quamquam Struve (52) eum maxime apud veteres se observasse referat. Quod causas occasionales attinet, earum magna et varia copia ex iis, quae de morbi natura attulimus, re ipsa intelligitur: morbus tamen saepius in hominibus animadvertisitur, qui civium ordinibus inferioribus adnumerantur et pauperes atque egeni vivunt. Causis occasionalibus adnumera, si quis domicilia habuerit in cavis subterraneis, humidis, in regiostibus humilibus, quarum aer vapore vegetabilium et animalium putridorum corruptus est, acrem humidum unaque calidum, diaetam non bene observatam, cibum difficultem digestu, aquosum, non multum nutrientem, aquae ad bibendum aptae defectum, nimium spirituosorum usum. His accedunt nimis aut nimis longe continuatus usus medicamentorum eorum, quae sanguificationem ejusque mistiolum corrumpunt, quibus Mercurii praeparata in primis adnumeranda sunt. Sundelin

(53) morbum exortum esse testatur post aquae laurocerasi nimumque saponis usum. Sed conditionibus quoque prorsus contraria excolitur morbus, ut in hominibus, qui diaeta nimis irritantia uiuntur atque nutriti, exoritur dein post refrigerationes, animi affectiones, post suppressionem menstruorum et haemorrhoidum aliarumque secretionum tum normalium, tum abnormium, uti ex. gr. post ulcera incante sanata et exanthemata (54), apud homines, qui vitam sedentariam agunt et tamen cibos magis alentes sumunt, post labores difficiliores. Interdum exoritur post morbos acutos vel chronicos, qui organismum magnopere debilitaverant.

Morbus maxima medicorum parte testantur non nisi sporadicus apparat, quamquam Schoenlein (54) eum interdum epidemicum esse putet, in primis vere ineunte et sub autumni fine aere humidu[m] et frigido. Endemicus esse videtur in regionibus nonnullis, quarum situs et coelum huic motbo procreando favet. Contagio quodam non propagatur. Morbus non semper simplex, sed saepius cum morbis diversissimis complicatus est. Casus tamen, in quibus cum exanthematis acutis observatum fuisse narrant, saepe fortasse non nisi modificationem puritatem horum exanthematum fuisse puto.

Quomodo haemorrh. petech. ab aliis morbis similibus differat.

Quamvis signa satis denotantia haemorrhagiam petechiale distinguant, alii tamen morbi reperiuntur, qui ei plus minusve similes videantur. Inter quos primum exanthemata quedam nominauda sunt acuta. Morbus quidem exultus haemorrhagis eum comitantibus et febre plerumque deficiens satis distincte ab aliis secernitur, sed tamen haemorrhoea symptoma est, quod non semper ab initio appetet, neque febris semper deest.

Peticulae, quas morbus secum fert, facillime cum roseola confundi possent, simili quidem ratione atque maculae, quae in typho contagioso apparent, a nonnullis petechiae false habitae sunt. Quae tamen a roseolis signis certissimis distant hisce: Roseolae colore sunt rosaceo, peticulae vero purpureo, livido, et cum vibicibus mistae, rosediae, ubi digito premuntur, disparent, quod in petechiis contra se habet, quae interdum augmentur hoc contactu, roseolas plerumque febris et sensations ingratiae in cute praecedunt, quod in peticulis non animadvertis, roscolae plerumque epidemicam, haemorrhoea petechialis contra sporadicam praefert indolem.

Morbilli a petechiis eo praesertim discernuntur, quod febris et symptomata catarrhalia

eos praecedunt et comitantur, quod exanthema e maculis constat exiguis rosaceis, quae paullum supra cutem assurgunt et in facie primum conspicuntur, quod autem in peticulis contra se habet, cum facies ab iis immunis servari soleat. Praeterea morbilli morbus sunt epidemius, haemorrhoea petechialis autem plerumque sporadica invenitur.

Scarlatinam dein haud facile cum haemorrhoea petechiali confunderes, cum febris acris praecedens, cutis moleitiae, calor cutis, angina et signa, quae jam ut roseolae a peticulis discernerentur, atulimus, eam facile distinguant. Praeterea in scarlatina ab initio tantum observantur maculae, quae mox confluent atque ruborem per omne fere corpus effusum efficiunt. Facilius modificationem putridam scarlatinae complicationem esse haemorrhoeae petechialis cum scarlatina crederes, nisi hic major virium defectus et decompositio succorum apparerent, quae non uti in morbo maculoso haemorrhagico in solo systemate vasorum animadvertisuntur; praeterea scarlatinae hauc modificationem, quae affectionem systematis nervorum indicant, comitantur symptomata.

Saepius haemorrhoea petechialis confundi posset cum modificatione putrida variolarum, cum haec etiam parvis incipiat maculis purpureis aut lividis, inter quas saepissime primo initio petechiae verae conspicuntur, tamen dignoscere poteris haemorrhoeam petechialem a vari-

olis putridis, si diligentius rem perscrutaris, signis hisce: Variolae morbus sunt semper epidemius, quem prodromi certissimi praecedunt, sicut laboris fastidium, dolores praesertim dorsum, regionem axillarem, et praecordia permeantes, vomitus, cephalalgia, febris sub vesperum exacerbans; — exanthema primum in facie conspicitur et jam primo initio tactu nodulos deprehendere possumus exiguos, ex quibus postea pustulæ exoriuntur.

Exanthema typhum contagiosum prosequens roseolis adnumerandum et praeter symptomata praecedentia, febrem, capitis dolorem et cetera indicia jam in roseolis expositiis distinguitur.

Difficillime vero haemorrhœam petechias lem a scorbuto distingueres, cum illa ex hiderem saepe causis exoriri videatur, quae scorbutum procreari valent. Observatione vero diligentiori instituta videbimus, scorbutum pathema esse altius in corpore insitum, vires et successus hoc in morbo magis debilitatos et corruptos esse. Scorbatus nunquam solum sistema vasorum aggreditur, sed partes quoque solidas citato depravationis organicae participes facit, gingiva emollitur, facililime sanguinem emitit, dentes vacillant et amittuntur, odor intolerabilis ex ore exhalatur, peticulæ mistæ sunt cum suggestionibus multo majoribus, fuscioribus, colorisque maxime varii et incerti, quae saepe in gangraenam transeunt, et ulcera maligna pro-

creant, quae spongiosa sunt atque colore purpureo, circulo livido circumdata, quaeque sanguinem ex sero et sanguine mistam, pessimeque redolentem produnt et facillime sanguinem emitunt. Sudores copiosi maleque oleantes et diarrhoeæ plerumque sanguine mistæ animadveruntur, ulcera vetera jam diu cicatriza de-nuo protumpunt, intumescentiae duræ et rigidiæ articulorum observantur, imprimis articuli genu, quæ eadem in ulcera mutantur maligna et denique articulum prorsus destruant. Ossa tam fragilia sunt, ut interdum sola jam muscularum contractione frangantur. Una cum petechiis interdum exanthema peculiare exoritur, acnae rosaceæ simile (56) imprimis in extremitatibus inferioribus et facie, quod ex elevationibus constat parvæ et asperis, quarum apices sanguinem male orentem emittunt; aëgrique pectoris angore vexantur. Scorbatus in primis in oris terrarum septentrionalium exoritur, in navibus, quæ in longis peregrinationibus cibo recenti et aqua pura egerint. Haemorrhœa petechialis denique a scorbuto eo differt, quod saepe ex causis iis contrariis, quæ scorbuto favent, exoritur.

A febre petechiali, quam Reuss (57) et Wedemeyer (58) optime nobis describunt, quæ certis temporibus epidemica est, multisque consumit, haemorrhœa petechialis non solum febre plerumque deficiens, sed eo quoque differt, quod in febre petechiali particularum proruptio certis morbi diebus, plerumque quarto

die adstricta est, quod febris decursum habet magis definitum, et systemata cuncta magis afflentur. Praeterea contagio propagatur, quod in haemorrhœa petechiali minime ita se habet.

Simili ratione febris putrida a haemorrhœa petechiali differi. Hic quoque febris res primaria et essentialis, petechiae atque haemorrhœa dein post morbi longiorem durationem apparent et pernicioseissimæ sunt.

### P r o g n o s i s.

Prognosis in universum fausta non est, quamvis Wichmann (59) contendat, hunc morbum plerumque ad exitum felicem duci, cuiatamen morbi relationes, quarum permulta existant, contradicunt. Prognosis specialis respicere debet ortum idiopathicum, vel symptomaticum, et causas. Haemorrhœam petechiale idiosyncratam quod attinet, inflammatoria in omnibus fere casibus felicissimam praebet prognosin, nam naturae sanandi conamen haberi potest, tamen haud raro mortem secum fert, et nimia sanguinis jactura, et apoplexia aut catarrho suffocativo, vel in aliis charactere transiit. Morbus cum febre inflammatoria apparet prognosin minus prosperam non semper reddit. Prognosin minus faustam forma erythrica et paralytica statuant ex causis, quas facile intelliges. In haemorrhœa petechiali symptomatica prognosia sc-

quitur naturam causae remotiorie, num tolli possit, nec ne: in vitiis organicis infasta est, cum haec raro tantum ad recta reduci possint. Minus infasta prognosis post menstruationem aut haemorrhoides suppressas; in gravidis facile abortum procreat. Prognosis dein organon respirat necesse est, ex quo fluit sanguis, casus si semper infasti sunt, in quibus sanguis ex organis respiratoriis profluit. Prognosis porro variat in morbo simplici aut complicato, secundum aetatem, sexum, constitutionem et cet. Morbus maxime iis nocet, qui habitu sunt phthisico. Mali ominis est, si petechiae fucores sunt, haemorrhoeae saepius redeunt, et sanguis ipse naturam exhibet decompositam, si oedema pedum, excretiones colliquatiæ, angor pectoris et febris hectica accidunt.

### C u r a t i o .

Cum medicorum antiquorum de hujus morbi natura et indele sententiae non omnia, quae in hoc respicienda essent, reputarent, eorum quoque praecepta de eo sanando non omni ex parte probata fuisse, eamque ob causam curationem eam, quam Werlhof commendat per acida mineralia, remedia tonica et adsuringentia non casui cuivis aptiam esse, intelligitur. Ut ratione et via systematica hac in re proceda-

nus, in ejus naturam causasque diligenter inquiramus necesse est.

Indicatio prima, ut in omnibus reliquis morbis id postulat, ut causae occasioales removeantur. Quo in studio id in primis curandum est, ut omnia arceantur, quae sistema vasorum irritare possent. Temperies conclavis, quod aeger habitat, frigidior esse debet, nam calor non solum sistema vasorum nimis irriat, sed quoque sanguinis expansione proclivitatem ejus e vasis erumpendi auget. Corpus quiete gaudeat maxima, neque animus irritari debet, cum vis affectionum animi in sistema vasorum non solum ex accelerata sanguinis circulatione, sed etiam ex inaequali sanguinis distributione intelligatur. Corporis pars ab haemorrhœa affecta situm debet accipere altiore, in epistaxi et stomorrhagia ita cubare debet, ut sanguis libere profluere possit, ne deglutiatur, vomitumque procreet, qui sistema vasorum irriaret, neve in vias respiratorias fluens aegrum absquat suffocatione. Diaetae magna dein cura navanda, quamvis pauca hac de re generalia afferri possint, cum secundum morbi charactera variari debeat, cibis vero difficilis digestu, putridus semper vitandus est. Aer gaza, quae respirari non possunt et exhalationes animales vel vegetabiles continere non debet, sed siccus sit atque purus.

Indicatio altera morbi sanationem continet. In haemorrhœa petechiali idiopathica,

si inflammatoriam exhibet indolem, vicius tenuior esse debet: caro vitanda, vegetabilia familia digesti commendanda, aeger quibus vesicatur, frigidae temperaturae sint. Potum sumat acidulum ex succo citri et acido tartarico confectum, a spirituosis prorsus abstineat. Si morbus cum synocha apparet, et individuum robustum, arteriarn pulsus fortis atque plenus, temperatura cuius aucta est, respiratio acceleratur, et si aeger vehementer conqueritur siim, medicus haemorrhagiam statim sedare ne sineatur, imo potius hanc criticam naturae conamen, auctam systematis vasorum energiam sedandi putet, elique decursum liberum concedat. In quo re ipsa intelligitur, nimiam sanguinis effusionem coercendam esse. Interdum fieri potest, ut venae sectio requiratur, qua tamen nimis cito nec utaris, cum imprimis haemorrhagiae inflammatoriae hand raro difficultime sedentur, ut periculosum videatur, sanguinem insuper arte elicere. Quod si tamen vitari nequit, quantitas sanguinis venae sectione emissi, symptomatis majus minusve inflammatoriis et sanguinis copiae jam amissi aptari debet. Si organon aliquod inflammatione affectum ejusque functiones turbatae videantur, sanguinis evacuatio topica per hirudines vel cucurbitas magni saepe effectus fuit. Fomenta frigida interdum multum profuerunt. Si morbus cum haemorrhoidibus vel menstruatione suppressa cohaeret, venae sectio optime in pede instituitur, vel si detractiones sanguinis topicae sufficient, in perinaeo, inter crura et circa annum. Pediluvia et vapores

calidi magnam requirunt cautionem, cum systema vasorum facile irritare possint. Usus remediorum internorum variis haemorrhoeae fontibus pendet. In uniuersum remedia sunt commendanda acidulo-refrigerantia, atque salia media, quae cum poti ex acidis vegetabilibus parato conjunguntur, acidum tartaricum hic optimi est effectus. E salibus mediis pree certis Nitrum suadendum est, quod systema vasorum celerrime sedat, sed salia omnia fortiora, ubi ventriculus vel tractus intestinorum irritatus est, prorsus vitari, vel saltē magna cum cautione et involuta dari debent, cum immediate ejus tunicam mucosam excitantia, irritationem inflammatoriam in inflammationem veram mutare possint. Eadem camela ubi sistema uropoeticum irritatum est, in salium nitricorum et tartaricorum usu adhibenda est. Si minus praeter Nitrum et salia tartarica, succos ad tracum intestinalem averiere magni est usus, quod salibus sulphuricis et Calomelane efficiuntur. Si morbus post transpirationem cutis suppressam exortus erat, symptomatis inflammatoriis remediorum, quae modo dixi, ope lenitis, ad diaphoretica procedendum est, quorum minus irritantia eliguntur: datur Tartarus stibiatus dosibus minutis, vel vinum Antimonii Huxhami, liquor Mindereri, infusum florum Sambuci et al. Si sanguis ad exteriora libere non effluit, sed viuose ad organa interna graviora ducitur, utpote ex gr. ad cerebrum, et si symptomata satis nota aplexiae cruentae apparent, statim phlebotomia

copiosa et derivationes cataplasmatibus sinapiniis suris applicatis, clysmata aceti, fomenta frigida circum caput et rel. adhibenda sunt.

Si post longiorem durationem haemorrhoea petechialis sihenica in erethicam mutatur, vel si ab initio characterea huncce servat, curatio secundum id variabit, num erethismus irritabilis sit, vel sensibilis. Cibus sumatur levis, sed nutriendo non impar, qui tamen systema vasorum non irriteret, quapropter commendanur amylacea, sagu, oryza et al. Si erethismus naturam exhibet irritabilem, indicatio receptivatem systematis vasorum auctam leniendi, ejusque energiam augendi adest. Huic indicatiōni acida sunt congrua mineralia, a medicis antiquioribus tam saepe commendata, quae ne diuturnior eorum usus ventriculum molestet, cum remedii mucilagiosis vel aromaticis copulantur. Acidum sulphuricum maximi est momenti, quod dilutum et plerumque cum alkohole mistum in elixirio acido Halleri datur. Acidum muriaticum minus efficit, quamvis in majori debilitate propter vires suas incitantes, apius sit. Teneris, quibus acidum sulphuricum minus prodest, acidum phosphoricum magis commendandum. Externe lotiones vel fomenta acida et frigida laudantur. Erethismo affectionibus procreato, quae sensorium commune magis irritant, ut animi motus facere solent, ita ut erethismus sensibilis reperatur, parim remedia, quae sensitabilitatem auctam sedant, partim ea, quae antagonistice vim ejus

partis systematis nervorum, quae systema vasorum dominatur, systematis ganglionum augent, suadentur, ita ut hac via aqua et justa inter sistema ganglionum et cerebri restituatur relatio. Remedia, quae hoc efficiunt sunt primum narcotica, quorum ea quoque eligenda, quae activitatem auctam vasorum non accelerant, sed potius minuant, ut herba Digitalis purpurea, acidum hydrocyanicum, majorem vero cautionem herba Hyoscyami et Opium requirunt, a posteriori prorsus abstinentum, ubi congestiones in caput animadvertuntur. Remediis, quae activitatem systematis ganglionum augent, et antagonistice adauant sensorii communis leniunt, in primis adnumerata nauseosa, quorum praesertim radice Ipecacuanhae umbrum, sed iis tantum dosibus, ut non re vera vomitum efficiat, qui remedii exoptatum effectum prorsus tolleret. Externe fomenta tepida ex herbis aromaticis adhibentur, unguenta aquae linimenta sedantia et antispasmodica.

Si denique morbus indole paralytica est, idque laxitate corporis totius indicatur, atque quantitate sanguinis tenui, aquosa et decomposita, si ob causam minimam, utpote contactum, pulsationem lenem in locis tactis oriuntur petiulae remedia adhibemus, quae tonum systematis vasorum agent et roborant. Quem ad finem remedia tonica et adstringentia optima sunt, inter quae cortex Chinæ primum obtinet locum, atque hic Chinino praestantior est, sumitur decocto fortiori ex uncia dimidia ad co-

laturam usque  $\hat{\Sigma}$ j parato, atque interdum cum acidio sulphurico adhuc conjunctio. Remedia similia sunt: rad. Columbo, cort. Angusturae, cort. Simarubae, rad. Ratauhiae, cort. Granatiorum fruct., rad. Tormentillae, gummi Kino, Catechu, Alumen, saccharum Saturni, vitriolum Martis et al. In caso altero, ubi paralysia exortitur ex nervorum influxu evanescente, ut exciteur, remedia volatilia incitania adhibemus, pri aetherum varias species, acida dulcificata, vinum, infusum rad. Valerianae mihi, Serpentariae, Angelicae, liquorem Cornu Cervi succinatum, Moschum, Gastrocum, tinteturam Cinnamoni et cet. Cum vero uterque status raro tam solus, sed plerisque alter cum altero conjunctus appareat, in casibus compluribus conjunctio quoque remediorum tonicorum et adstringentium cum voltailibus incitantibus necessaria erit. Ad usum externum lotiones similes adstringentes et spirituosaes bonae sunt frugis, ut quoque repentinus frigoris influxus perfusionibus frigidis procreat. Diaetam quod attinet in carne constet bene nutrient sed faciliter digestu, commendandus est quoque modicus vini usus, qui, uti res secum fert, vel adstringens vel ardeus esse potest. Apud panperes usus maxime modicus aquae vitae vini locum explore potest.

Ad curationem haemorrhoeae petechialis symptomaticae jam nobis est transendum. Sed cum sciamus, mala primaria quam

varia esse possint, fines hujus dissertationis e-jusque excederem scopum, si unumquodque fusius pertractare vellem. Qua propter quae ad rem in universum pertineant, atque necessaria sint, percurram. In universum maxime est habenda cura, ut secreciones et excretiones omnes in statu consueto libero maneant, nam hac via superimplotiones in vasis et circuitus sanguinis stagnationes facillime tollere valemus. Quam ob rem medici est secretiones et excretiones, si suppressae erant, restituere, quod idem de secretionibus abnormibus valet, per quas organismus jam per longius tempus materias secernere consueverat, utpote ulcera, exanthemata chronica, haemorrhoides et cet., quae rursus provocari debent. Quod si fieri nequit, secretiones vicariae, ut per vesicantia et fonticulos parandae sunt.

Si causa morbi in systemate venae portae latet, et plethora abdominali nititur, minor a remedii pharmaceuticis, quam a diaeta et victus ratione moderata sperandus est effectus. Si diaeta antea ex cibis forte nutrientibus, incitantibus, conditis, vel gravibus et difficultibus digestu constabat, cum cibo leviori, magis vegetabili est mutanda, corporis motus necessarius ut adire curandum, corporis positurae, sanguinis circulationem in abdomine turbantes, vitandae. Maxime dein adhibenda est cura, ut alvus quotidie mittatur, quam ob causam optime se habet, si alvus propter remedia diaetica bene proficit, cum diuiniorn purgantium usus tra-

ctum intestinalem majus minusve debilitet, atque organismus illis paullatim adeo assuetat, ut denique vim suam amittant. Siu autem ad remedia pharmaceutica confugere cogimur, apud robustos in diabesi inflammatoria salia sulphurica et tartarica magni sunt usus, ut quoque succi recenti expressi e Taraxaco, Gramine et aliis. In aegris magis torpidis et atonicis purgantia drastica, ut ex. gr. rad. Jallappae et cet., et resolventia cum principio austero ut rad. Chelidonii, gummi Ammoniacum, resina Guajaci et al. laudantur. Finem curionis aquae minerales solventes et purgantes faciant, ut aqua Puelnaviensis, Saidschützensis, Carlsbadensis et denique aquae minerales ferrum continent, quas Dryburg, Pyrmont, Spa et alia loca nobis offerunt. Quarum tamen usus cautelam requirit maximam et quamdiu aeger ad haemorrhoeas activas inclinat, vitandae sunt.

Si hepatis morbi causam efficiunt, ubi inflammatione chronica affecta est, illa secundum regulas satis notas curanda. Si hepatis durities animadveritur, remedia sunt adhibenda resolventia, quae si dolor levius adhuc in regione hypochondriaca dextra manifestatur ex salibus aceticiis et tartaricis, praeparatis Mercurii et Antimonii, e Taraxaco, Gramine, in statu vero torpido ex rad. Chelidonii, Saponariae, gummi Ammoniaco, Aloë, rad. Rhei, Alkalinis consi-

stant. Externe unguenta et linimenta e Mercurio, gummi Ammoniaco, Cincta, Alkali volatili consistentia, serius hic quoque aquae minerales resolventes, cautela tamen quam supra diximus observata, adhiberi possunt.— Curatio in lienis morbis similis, amaris tamen exceptis remediis, quae in lienis morbis nisi ex febribus intermittentibus exortis adhiberi non debent.

Sin autem e depravata cordis functione, et quidem ex vitio quodam organico exorta manat, curantes respicere debemus, utrum phaenomena hyperetrophiam, an atrophiam, an vitium quoddam ostiorum et valvularum indicent. Quomodounque res ceterum se habeat, secretiones et excretiones integerrimae curandae sunt. Si morbus ab hyperetrophia cordis penderit, omnia sunt vitanda, quae cor magis excitant. Cibis ex vegetabilibus constet, quae facile digerantur, a remedii irritantibus abstinentur, violentiae corporis virium intentiones, animi affectiones quoque vitandae sunt. Porriguntur salia acidulo-refrigerantia, ut Tart. tartarisatus, boraxatus et al., interdum quoque venae sectio parva commendatur. In atrophia quoque evitandi affectus animi, nimiae corporis contentiones, diaeta magis nutritiva adhibenda, remedia amara porrigenda et adstringentia, ut serum lactis aluminatum, ac denique praeparata ferri. Vitis autem ostiorum et valvularum morbo causam praebentibus omnes vitandae sunt res cordis actionem

augentes. Simil si aegrotus constitutione est praeditius robusta, remedia adhibenda sunt, quae circulationem deprimunt, ut venae sectiones parvae, salia media refrigerantia. Vi cordis vero non re vera aucta, indicatio praecepit est retardandi pulsus cordis, quod optime assequimur usu herbae Digitalis purp., lactucarii et al. Cordis vita dynamica curanda sunt secundum charactera, et hic praecepta, quae jam in haemorrhoea petechiali idiopathica dixi, valent.

Si alvi functiones turbatae vel sordes gastricae morbi causa reperiuntur, hae si alvum premunt, purgantibus sunt amovendae: Quae causa quum tam saepe animadvertatur, intelligitur cur purgantia tam unanimiter, imprimis a medicis anglis (60) commendantur. Hic quoque remedia secundum aegri vires eligenda sunt. Nicholl (61) ol. Terebinthinae prae ceteris commendat, quod vero nimis irritat, facileque ventriculo tractuque intestinorum nocet. Quapropter maxima cum cautela adhibendum est, neque alii nisi aegris torpidis porrigeundum. In regionibus nostris remedium isud rarins indicabimur, et in forioribus tantum et torpidis Anglorum constitutionibus laudem merebitur, quam horum medici ei tribuunt. Si vero gastricae sordes altiora petunt, multi emetica commendant (62) quae tamen maxima cum cautela porrigeenda sunt, ita ut ab eorum usu durante haemorrhoea prorsus abstinendum sit.

Si morbus debilitate universalis, digestione mauca, sanguificatione perversa aut frequenter usu ciborum sale nimis conditorum, fumo siccatorum, quin putridorum procreatus est, diaeta imprimis commendanda est apta, nempe cibi bene nutritientes, faciles digesti. In casu priori remedia sumantur, quae digestioni favent, debilitatem generalem tollunt et sanguificationem corrugant, nempe aromatica et amara, in casu altero curatio est adhibenda scorbuti curationi similis et deinde roborans.

Quod sanguinis profluvium attinet, cum in omnibus hisce casibus non a primaria pendeat affectione vasorum, plerumque sponte cessat, si modo malum primarium oppugnatur. Si vero haemorrhoea eo non sedatur, curatio hiscum congruit, quae in indicatione teria dicemus. Non semper tamen magna contra hoc symptoma requiritur activitas, cum saepe naturam habeat criticam, ut post secretiones et excretiones suppressas. Tum tantum artis ope intercedendum, si sanguis tam vehementer profluit, ut vitæ periculum inde immincat, vel ex organo maximi momenti, quod profluvio facile deleri possit.

Indicatio tertia vitæ periculum repentinum ex nimia sanguinis profluvie imminentem, vel si sanguis ex organis gravioribus erumpat, avertere jubet. Remedia, quibus hic nū licet, sunt, si haemorrhoeae fons immediate attingi potest, fomenta frigida, injectiones atque gargarismata

frigida et adstringentia, et denique sanguis profluens linteis concerptis reprimatur. Quod si fieri nequit, remedia derivantia locum obtinent, cataplasmata sinapina, sanguinis detractiones topicae in partibus remotioribus, clysmata derivantia ut alia paretur via sanguini, adhibenda sunt. In aliis casibus fomenta emollientia, calida et infractiones antispasmodicae non sine usu erunt. In casibus singulis lotiones et perfusiones frigidae sunt commendandae (63). Horum remediorum usus in casibus singulis a charactere et causis variis haemorrhoea pender. Neque remedia interna sanguinis profusio congrua negligenda sunt.

Indicatio quarta, quomodo sanitati redeunte moderemur, docet. Cum morbus ipse aegri vires debilitare satis valeat, curatio robora in universo hic commendanda. Sed si fieri potest, eorum tantum remediorum usus sit, quae non multum irritant, ut lichen islandicus, rad. Columbo, cort. Cascarillae, cort. Quassiae, rad. Gentianae, cort. Chinæ et denique ferri præparata; primum hic limatura Martis porrigitur et paulatim ad præparata fortiora, ad ferrum oxydulatum sulphuricum proceditur. Serius balnea quoque, in mari vel aquis ferrum continentibus sumpta, prosunt. Diaeta hisce congrua esto, e cibo constet fortii, nutrienti, facilis digestu, vinumque sumatur generosum. Iuprimis quoque ab initio corporis motus quicunque irritantes atque animi vehementes vitandi sunt affectus.

### Libri citati.

1. Werlhof commercium noricum ad rei medicæ et scientiarum naturalium incrementum institutum. 1735. — 2. Medical cases selected from the Records of the public Dispensary at Edinburgh, with remarks and observations by Andrew Duncan. Edinburgh 1784. — 3. Cazenave et Schédel abrégé pratique des maladies de la peau. Paris 1828. — 4. Die Hautkrankheiten und ihre Behandlung, systematisch beschrieben von R. Willan, aus dem Englischen übersetzt von Fries. Breslau, Hirschberg und Lissa 1799. — 5. S. Plumbe, practische Abhandlung über die Hautkrankheiten, aus dem Engl. übersetzt. Weimar 1825. — 6. Bateman, dissert. inaug. de haemorrh. petech. Edinburgh 1801. — 7. Adair, dissert. inaug. de haemorrhœa petechiali. Edinburgh 1789. — Allgemeine und specielle Pathologie und Therapie nach Schönlein's Vorlesungen, uachgeschrieben und herausgegeben von einem seiner Zuhörer. Würzburg 1832. 2ter Band. — Raye traité théorique et pratique des maladies de la peau. Paris 1827. Tome second. — 10. Bateman, praktische Darstellung der Hautkrankheiten nach Willan's System, aus dem Englischen von A. Hahnemann. Halle 1815. — 11. Schönlein I. c. pag. 65. — 12. Plumbe I. c. pag. 83. — 13. Vermischte Abhandlungen aus dem Gebiet der Heilkunde von einer Gesellschaft der praktischen Aerzte zu St. Petersburg. St. Petersburg und Leipzig 1825. 3te Sammlung.

— 14. Rust, Magazin der gesammten Heilkunde. Berlin 1820. 8ter Band, p. 45. — 15. Bateman, Darstellung etc. I. c. pag. 179. — 16. Rust's Magazin 8ter Bd. pag. 58. — 17. Schönlein I. c. pag. 66. — 18. Die specielle Therapie nach den hinterlassenen Papieren des verstorbenen Dr. A. G. Richter, herausgegeben von Dr. G. A. Richter. Berlin 1827. 2ter Theil, 2te Abtheilung. — 19. Willan I. c. — 20. Schönlein I. c. — 21. Bateman Darstellung etc. — 22. Cazenave et Schedel I. c. p. 468. — 23. Rayer I. c. observation CLXXII. — 24. Cazenave et Schedel I. c. pag. 469. — 25. Bateman Darstellung etc. pag. 186. — 26. Schönlein I. c. pag. 66. — 27. Bateman Darstellung etc. pag. 187. — 28. Rayer I. c. observat. CLXXI. — 29. Cazenave et Schedel I. c. pag. 458. — 30. Die Krankheiten des Herzens, systematisch bearbeitet und durch eigne Beobachtungen erläutert von Dr Kreyssig. Berlin 1814. 1ster Theil pag. 177. — 31. Joan. Pet. Frank de curandis hominum morbis epitome Mannheimi 1894. Liber III. — 32. Hufeland, System der praktischen Heilkunde. Jena und Leipzig 1802. 2ter Theil. — 33. Richter I. c. — 34. Acerl dissert. inaug. de haemorrh. petech. Upsalae 1797. — 35. Vogel, Handbuch der praktischen Arzneiwissenschaft, zum Gebrauch für angehende Ärzte. Stendal 1800. 5ter Thl. — 36. Haase, über die Erkenntniß und Cur der chronischen Krankheiten des menschlichen Organismus. Leipzig 1817. — 37. Consbruch klinisches Taschenbuch. Vol. II. — 38. Rust's Magazin. Bd. 8. — 39. Dr. Berend's Vorlesungen über praktische Arzneiwissenschaft, herausgegeben von Dr. Sundelin. Berlin 1828. 5ter Band. — 40. Joan. P. Frank de cur. hom. morb. epit. lib. III. pag. 122. — 41. Plumbe I. c. pag. 98. — 42. Joan. P. Frank I. c. lib. V, pars II. pag. 104. — 43. Rust's Magazin p. 61. — 44. Schönlein I. c. paß. 66. — 45. Bateman Darstellung etc. pag. 186. — 46. Dr. Hempel, Einführung in die Physiologie und Pathologie des menschlichen Organismus. Göttingen 1828. pag. 333. — 47.

Bayer I. c. observ. CLXXI. — 48. Bateman I. c. — 49. Rust's Magazin etc. Bd. 17, 13tes Heft, pag. 551. — 50. Plumbe I. c. pag. 80. — 51. Wichenmann, Ideen zur Diagnostik. Hannover 1800. 1ster Bd. § 25. — 52. Rust's Magazin. 8ter Band. — 53. Berends I. c. pag. 199. — 54. Hufeland, Journal der praktischen Heilkunde. VII, 2. pag. 26. — 55. Schönlein I. c. pag. 66. — 56. Ibidem I. c. — 57. Reüss, Wesen der Exantheme. Aschaffenburg 1814. 1ster Theil. — 58. Wedemeyer dissert. inaug. de febre petechiali. Göttingen 1812. — 59. Wichenmann I. c. § 26. — 60. Plumbe I. c. — 61. Ibidem. — 62. Abhandlungen Petersburger Aerzte. I. c. — 63. Ibidem. I. c.

---